

擇

石

齋

持

集

蘄石齋詩集卷第二十六

秀水 錢謙益

癸未

題金山人農爲袁舍人匡嶽畫香影菴圖

主人爲古雪畫者號冬心但有一椽屋都無千竹林水寒寒
更澹月靜靜逾深此際成跌坐山空孰與尋

上祈穀于

祈年殿侍直恭紀

闕在

方澤歲

親行

祈穀升壇禮又誠與物休徵若暘雨惟

皇至治感

神明荒陬貢馬新開宴

極西回部愛烏罕汗慕德通款遣臣入貢丁卯大閱于御苑而宴之

遠道屯田

早勸耕中外一家蕃熟慶樂章聲總播春聲

上元日

圓明園

正大光明殿侍

宴

春正半月不寒陰特放韶華答

聖心

上苑夙行年例重新藩同被

國恩深海山暢我乾

隆化功德增於葬式音高架綵燈懸盒子

賢良門外柳含

金

燒宣德香爐歌酬紀侍御

無心可安我亦云出入襟袂猶塵氛癖嗜非關反鑑反寓言
乃屬熏爐熏世間儘有秣康鍛箇裏不須羊琇炭劉季和家
陋任嗤姜娘子手遙難喚喚茶未了更糝金朱火卻蘊青煙

深煉銅那識凡幾次彩爛善變都撩心凝脂滑膩如好女羌
獨摩娑奈何許紙閣燈光夜雪中筠簾花影春風所兼旬掃
軌耽幽偏東鄰枉詩蒙粲然物聚於好聊爾爾請因三復旅
葵篇

上祭

社稷壇陪祀恭紀

五色迴依方四門環築牆谷陰惟氣達求福必年康甘雨霏
隨候卿雲護有光

親行爲主禮恢舞致馨香

題劉忠肅公石鼓山題名後三首

劉學華老來遊跋踰侍
九字刻山之西溪壁傍

右題云後百八十二年六世孫震孫景恩來持
廣節拂拭傳題不任感愉寶祐二年秋九月旦

遊山攜子主恩邀不遣投荒嶺外遙假使相稱肯相識也休

苔壁掃今朝

熙寧甲子數從頭可是朱陵乍泊舟記得杭州通判值去年

寒月過揚州

蘇文忠公廣陵會三同舍詩劉莘老一首云如今三見子坎壈爲逐臣忠肅謫監衡州鹽倉未赴熙寧四年辛亥冬與文忠相聚數月則至衡而

遊石鼓當在壬子合之云孫適寶祐二年爲甲寅前自八十二年

自古三湘逐客奔豈無姓字蝕崖痕何人卻似丹陽尹柳樹還逢祭酒孫

湯山迎

駕恭紀

連峯環擁

畿一泉清在隈春旭耀龍旌

皇謁

東陵回杏村與柳圃豆麥相根荳好風入行殿卓午收芳埃百年溯締構質樸貽亭臺

母儀

兩朝翼天祿萬禩開分畦出溫水遶牆浥新苔

聖衷昭浴德歲撰佳辰來

上耕藉祭

先農壇陪祀恭紀

陵祀 鑾回乍南郊布敬恭季春蠲癸亥三日

詣

先農朱旭青壇耀黃雲縹輓從榮盛深 孝德是必慶年逢

和張編修坦庭前垂柳十二韻

箇是亭亭植心難寸寸緘澆泉占院井刷土借鄰錢嫩蘚低
頻蹠枯條淨早芟材如生是獨態肯溷於凡露下看迎面風
前立映衫鳳城多駘宕韶律正和誠晝倦欄還凭吾狂酒漫

監吹簫紫棟引夢落青杉杉青嘉興城北開且任流鶯擲相兼乳燕

喃言愁都老大供佛定莊嚴芍藥堦連謝琵琶曲伴咸一枝

橫玉笛隋苑憶開帆君僑居揚州舊冬召東京

西頂春行二首

長河土阜宛山蹊廿里垂楊嫩葉齊田榭虛亭隨點綴緋桃

素奈互高低

雄鵬頭波與岸平平蕪若漾午煙生馬蹄只繞雙蝴蝶應是

春來未入城

上親

常雩子

園丘侍直恭紀

待雨民心慰燔柴穀實祈自郊歌亦聖如恢舞應希海漫升

紅旭天休斂碧霏我

皇勤善歲百度有精微

恩榮宴上作

日照槐陰覆露臺恩霑闕下萃鴻才
大官光祿鋪筵定小隊和聲薦樂來
卻憶簪花過一紀還因糊卷預三杯
昇平盛事文明象起向紅雲祝上台

題陳孝廉鍾琰讀書圖

韓子因文而見道宋儒載道以爲文
十年窮達且須較五畝竹蔬誰與分
尙友豈無天下士崇朝方有泰山雲
逡巡若可東隅補喚起初心又共君

齊之撤帖舊人所集句五畝雞蔬五畝種
竹半日游坐半日讀書遂漫著第四句

夏至

上祭

地下

方澤陪祀恭紀

分祭元郊定爲壇太折沿

皇穹儀器匹

列祖德功縣治本元封邁風還八變宣禮神施

聖敬備職拜嚴蠲

題孫上舍景元遺像四首

京兆來重試秋風又獨歸告予身已病贈子口多欬明月一

背隔逝波終古遠長昆還此寄癡貌未嘗非

怪底滇中客悠悠六度霜人元各春夢天本易斜陽食粟爲

騏驥棲梧有鳳凰彼皆才與命著處不相妨

風雨憶雞鳴扶持到藥鎔漫論師卽友頗覺弟隨兄過眼空

花色歸根落葉聲舊曾商白黑今且孰枯榮
孝行傳槐市儒門重尚湖青山遺語永伯氏上藏俱顧我存
斑白將何對藐孤迢遙數行淚忍便灑于圖

題齋壁

讀書難得三篋爲善有如十郎老矣成非畫虎時哉補及亡
羊

觀荷同圖塞里侍讀圖布博爾濟特中允博明

翁中允

方綱

右安曉出望村煙祖家亭子風颯然內城外城各擔榼水北
水南如刺船甘瓠花白豆花紫慈姑葉尖荷葉圓

侍讀說京師小兒唱云慈姑葉尖尖荷花葉兒同葉可聽

兒同葉可聽

樹陰分坐滿香氣一陣鶯鶯飛過前

重過萬泉寺

舊識招提在春光十五番
蘇碑平作礎風柳老當門漠漠田
分畔清清水近源西山晴更翠更去眺西村

飯田舍

土阜修蛇蟄金都麗澤門環爲貴家塚背得野人園
蟬語碧千樹藕香深一尊僕夫芻旣秣且莫告還轅

大慈觀音寺拜瞻

聖祖仁皇帝御書藥師經敬賦

紙坊曲曲菜園寬來趁鳴蜩五月寒
薜荔陰濃知雨露琉璃光淨見龍鸞

鴻慈上藥沾寰海佳節青郊駐

玉鑾取次住僧應禮曬秋陽高處熟梅檀

雨止移葵

雷殷檐聲滴庭虛水氣涼
僮來芟草碧手自種葵黃
低覆承秋露孤生向太陽
泚然思曷極江外故園荒

問紀侍御病起

踰月不相見閉關知若何
藥爐人旖旎禪榻晝婆娑
冷雨吹高柳輕煙長綠莎
雞聲隔遙巷命屐未能過

答紀侍御示新詠

一卷詎寥寂萬端何慨慷
紅塵難歇馬青鏡不消霜
共命鳥安樹宜男花入房
明朝定來賀亟爲注糟牀

漢敦煌太守裴岑祠刻石拓本

文云惟漢永和二年八月敦煌太守雲中裴岑將郡

兵三千人誅呼衍王等斬馘部衆克敵全師除西域之災
漢四郡之害邊境又安振威到此立德祠以表萬世錄書

漢撫西域并北虜敦煌最要據
兩關虜之寇鈔若呼衍展轉
蒲類秦海閒陽嘉四年侵後部
掩擊不利于勒山朝威稍損

甫踰歲豈識裴守全師還絕漠且令心膽破防秋何媿甲冑
環我思范書撰西域安帝末採長史班班勇班超之子陽嘉而後班未
記此事可補初非刪方今

聖德廓無外八屯萬落耕桑閒巴里坤南三里近完好石墨
來編爛碑初在巴爾庫勒城西五十里地名石人子以碑上錄下大篆之如石人也宋
正七年大將軍岳鍾琪移置將軍府十三年撤師乃移置英澤亭侯廟嘉峪關
西古石刻之可錄者祇
兩俱其一唐姜行本碑姜行本碑邈未見涼窻獨對斜暉殷

送吳舍人寬南歸兼懷陳侍讀鴻寶

一尊醉秋圃明月五年過芍藥老華省故山生薜蘿新安江
見底淥水曲聞歌儻值西陵侶知予嬾若何

齋日對雨

建未月成魄立秋風作涼心遊近 幾野目爽倚林堂浸水
遺蝗盡鋪煙晚稼長惟馨感

清廟早賀億人康

教習庶常館鼓器圖歌和翁中允

三皇五帝傳侑孔子嘗觀仲子隨或云魯廟或周廟又說
周公始作茲中正滿覆虛則鼓注水挹損弟詔師治適乎道
寓乎器譬成難守盈難持玉河隄西閉歲製高館肄業笙簧
吹翰林儲相天下任陳圖式訓理亦宜要如蘇易簡所對豈
直臨孝恭是為宋翰林學士蘇易簡內直試江南徐鉉所作鼓器對太宗曰日中
固萬世其業所臨孝殿廷密坐代有之周廟者迄東京貽漢末不
存絕舊制杜預復創由巧思本殊雲雷與簪簪何取仙人還
水芝後周文帝清徽殿前置鼓器二一謂之仙人鼓器一謂之水芝鼓器我欲見圖先見詩君且弗頌更
弗規劉徽小注可刪卻正覆鼓分方寡辭

秦二世刻琅瑯臺始皇刻石詔書

秦皇刻石頌秦德初嶧山後會稽辭皆不稱始皇帝如後嗣
久恐迷二世東行章盛迹盡刻當年所立石詔曰始皇帝所
爲從臣請可因明白此刻乃是琅邪臺泐餘幸免太武摧前
辭勅矣今所拓者其陰詔書李斯實從定斯篆以勸本紀如瓊瑰琅邪縣渤海
閒南登作臺俯衆山閏二月樂未慳列侯倫侯名氏班與頌
功德塞瀛寰徐市旣遣盧生還連弩射魚之罟濟豈知星隕
爲石黔首刻其石雖銷亦垂式東行之刻又何亟

題戴編修第元負米圖卽送假歸南安

廚火脩然近隔牆請恩奉母買秋航回頭曉月虛溝色入
手梅花庾嶺香誰寫初衣曾負米我思樂事只稱觴太公鳩
杖迎歸客諸弟諸孫一草堂

題阮舍人葵生秋雨停樽圖

八月長安雨望低故林淮浦昨雙棲塵生莫得杯重舉意塞
寧堪醞獨攜河漢影連蟾影黑梧桐聲雜竹聲淒黃門未要
詩兼賦畫出纏綿理亦齊

松石軒圖

杭州東郭平安里元代褚君築軒此莊居舊結西湖鄰兵後
來遷方外親軒羅幾松覆幾石松石閒惟苔蘚碧江岸峯峯
映到籬叔明寫卷高纔尺圖今易去諸跋存跋真圖屢思難
設題篇釋子十居五塵壑超然此軒主括蒼有客茗溪遊往
訪竹所揖且求遂銘其軒十九字吉人之吉幽人幽古括王奎
為撰銘曰
松惟貞真可盟石惟礪礪
可成息游是軒志可寧語溪張輿我同郡詩好書還承吉近秋陰
開闔獨當牕直為松石懷家江

讀明鳳陽陵碑

朱家爲農居是方天災流行疫且蝗皇考妣終孟兄亡田主

之兄與地葬茲良切葬無棺槨但惡裳土掩三尺奠無漿孟嫂

攜幼東歸鄉仲兄哭別各避荒送寺爲僧老母汪寺主兩月

俄封倉帝乃遊食百無長浮雲三載二十強長淮盜起民攘

攘既歸還寺居三霜而又雄者矜跳梁初起汝潁次鳳陽友

人寄書云趨降胡剛切憂懼覺者將聲揚無已試與知者商往

禱于神神默相卜逃卜守皆不祥就凶則吉降附城陳羊元切

兵討罪攬再驤解圍以去帝控韁出乎南土舒而光逾月集

衆幟蔽岡攻滁守滁事業匡思親訥舊日慨慷仲妹逝矣遺

甥雙式莊切可憐見舅如見孃孟嫂兒女亦來傍仲歿婦寡野

持筐兵閒團聚如再生師莊切于是有家家小康羣雄並驅食

不遑暫戍和州渡大江居良切首撫姑孰禮是尙辰羊切遂定建

業師張皇上帝謂元政不綱全界所有歸興王議改薄葬卜弗臧起陵告竣侯吳良帝時秉鑑窺顏蒼艱難自述銘皇堂劬勞欲報惟蒸嘗一無粉飾詞黯傷儒臣何取能鋪張

觀敦交集冊子

元季明初上虞魏壽延仲遠輯其三十年所友人酬贈之詩也淮南潘純錢唐沈惠心陸景龍永嘉

李孝光高明天台陳廷言毛翰朱右聲陽陳士奎刻川王璠曾棣王冕陳謨唐肅山陰陳敬趙似餘姚鄭葵張克問徐本誠宋元億上虞徐士原嚴貞俞恆徐以文則文不著地者于德文而其弟明凡七十六首吾鄉朱竹垞先生嘗藏是冊手錄王冕唐冕李延興戴良凌彥彬釋宗泐詩為仲遠者各一首

補於後

伏龍山瞰夏蓋湖魏家有堂三伏無竹環千畝青模糊有齋有樓山不孤合名竹深深自娛仲遠能詩兄弟俱朋來擊鮮提葫蘆酣燕連日聲伊唔見貝清江竹深記唱酬歲久集成此篇篇題與仲遠氏閒書至正井甲子前如丙戌後乙巳紅軍香軍亂方始至正十一年年明劉福通徐壽輝等兵起佳水佳山愁滿紙浙東海氛況尺咫辛

苦平安各料理

鄭藝乙巳句創離時世全高潔淳朴山川似古初王城至正廿五年句也應清曠風塵外誰道邊城向繹騷乙巳即廿五年他如凡

涉憂亂者當在辛卯後趙叔和入邑感懷云閉戶十年方入城當在庚子後至高明吳門亂後逢梅福遼海來時識管寧當在二十七年丁未後是年明祖破平江方國珍降浙東

而南寧題稱處士或徵士閉門憂時曠逾紀兵後芝書孰云喜

高僧金陵既觀止唐肅入明擢文字宋僖朱右竝修史白頭

半白早還里不盡山雲與湖水二十年庚子之題猶稱處士而其稱徵君徵士者不一玩陸景龍云喜見芝書徵國

士尚聞蕙帳隱山人釋宗勣云去年聽詔來京國識君臉紅頭半白是洪武初徵書及之至金陵即歸也唐肅七月廿日翰林東署有懷竹深高隱肅元嘉興路儒學正洪武三年

召修禮樂書推應奉翰林文字時寄仲遠猶騶鸞翳鳳翩塵樊見山欄檻

柯高隱是未嘗仕也宋元僖明史作朱僖高出園疇昔鉅公踵其門文貞二十四世孫見宋文憲為仲遠作見山樓記集首

孝光老承恩鐵崖雲林詩共論金粟玉山交亦敦蕭蕭何似

筠深軒李齊王顧仲瑛家筠深軒王冕題之蓋竹深一曰筠深也

題顧侍御光旭春風啜茗圖

卻取杜陵語為圖披瀝情月團韓諫議龍腦蔡端明石鼎閒

中得春風靜處生知君二泉近乞我一甌清

題王石谷臨郭恕先湖莊秋霽圖

坊西桐嶼購佳本

諸編修正光

鳥目著色倣恕先坊南莘翁送長句

蔣編修上錄

更若畫出湖莊然浮雲偶辭山水國快意每值屠門前

借書及余亦暇福說傷向佛猶塵緣石路東來仄壓岸人家
北望疎依頃高臺小樓波面隔茶竈酒庫林陰連重重荒汊
隱略約短短碧岫生蜿蜒如斯架構境可得所難老樹叢秋
煙摩挲合抱自毫末爾數百年我百年亟欲移株乏奇術頻
經掃葉成幽帽郭君擅場祇在此况夾萬箇簣簪鮮迴知宿
雨貯清氣遠見戴笠遊烏犍攜筇相將問剝啄撒網定已登
鯢鱸三人不速坐凭檻且賺一角斜陽天

觀史閣部像及家書

聖朝

實錄捷聞登殘局江南勁草微閒道潛蹤無是事同城抗命

有其朋

蘇以充結父獻通考纂修官得恭閱

世祖章皇帝實錄見順治二年五月已酉大書定國大將軍和碩豫親王多鐸等奏報四月十八日大軍薄揚州

城下招諭其守揚閣部史可法翰林學士衛允文及四總兵官二道員等不從二十五日合拜尹圖圖賴阿山等攻克揚州城獲其閣部史可法斬于軍前其據城逆命者竝誅之今此卷題者謂當時江南傳史閣部潛逃不死至或見之閩海關然後知草野流聞不足信者多矣死前四日家書在書云人心不來可法早晚必死未云四月廿一日寄按明史本傳作書寄母妻在二十日之明日當即此書生後文山母夢曾烏帽紅

種誰貌得目光猶見骨峻嶒

題蘇文忠公墨蹟卷

卷云或謂居士吾常往端溪可為公購硯居士曰吾兩手其一解寫字而有二硯何

以多為曰以備損壞居士曰吾手或先硯壞曰貢手不壞居士曰真硯不損給聖二年十月臘日對山東坡賦

嘉祐寺合江樓又卜白鶴之峯頭先生何為不憚煩念念塵塵同一漚今朝對客說所見真手非手硯非硯生滅垢淨增減空不了真如不方便說硯猶硯北渡海復海南荔支那必

三百顆又看一手寫字枕椰菴

題吳秋曹嚴畫范氏古趣亭冊子

會稽賀家湖寬可五十里伊人結書樓竹樹臨其渌有池菡
萏生有石陂陀起有亭簪笠空放曠極雲水曰從仕上京回
夢渺難企有友日同僚縮之遂盈紙稷山旣嵯峨山復岌
義兩鬢如一鬢奄冉明鏡裏過雨撈鰕多入秋剝芡美莫令
碧浪湖引緒紛連此

秋曹家湖州

范侍御檄士出觀高舍人奮生所藏明錢郎中貢
畫陶靖節歸舟泊岸竹扇用題者韻詠之三首

郎中

自題于前後高檢討亦
雜題之檢討舍人高祖

豫章封首郡公賢得酒惟應付醉眠便不駿奔程氏妹也難
束帶督郵前

義歷二年十月論匡復功封劉裕
等而靖節之自免去職在十一月

義熙尚及二年末松菊聊歸三徑中不斷潯陽江上水憑將

心過石頭東

董文敏題云恨殺潯陽江上水隨潮還過石頭東

小范攜將半月斜古懷須不爲陶花舍人自是名家後藏弄

猶多故物佳

傳御有潯南小范印

觀趙文敏倚柳士女

高枝細葉春何限風彈腰支露舒眼人來獨倚紉紈輕年可

十八應卯生依依仰面無嗔喜漠漠看天有雨晴數行幃首

東維子一曲吳聲鄭聲似

鐵鑿爲長卿書云小娃十歲唱桑中謠迺風似鄭風不信柳嬌身不嫁真珠長終守宮紅其和蘇

臺竹枝之末首也

穠華欲落愁青蕪了鬢畢粧誰與俱卻怪王孫砂印

好未曾題作柳嬈圖

湘江過雨卷歌

舒舒素繭四三丈颯颯秋濤百千榦迸石緣陂時蘸影石陂

兩兩湘江岸雨葉則墜雨枝同叢生者叢散生散淡濃如出
芷蘭閒一角天青雲破半勾餘老拙司空史輔導皇儲內相
段每因齋宿主其家遂乞墨君供所玩勾餘一拙道人史琳書自跋云內相段公好古余叨陪紀太廟
時主其家嗚呼時方十二年東殿九歲儒臣宣孝宗恭儉宜克繼
朱壽之漸何紛然雙林大伴後藏此首尾鈴印猶紅鮮金甌
不名在爾汝玉軫既罷看嬖媚大方印一二司禮太監雙林馮保收藏書畫一總督東廠兼掌御用監事司禮太監
雙林馮保圖書神宗嘗賜保牙章曰爾惟監梅曰汝作舟楫保善舉官門鐵牌弗兢守毒乃數世流中涓
嗚呼題句見忠彥資政亦述猗猗篇吳寬傳稱曾鑑李晏王華張璪李保禮部尚書徐璠為之文謂段中洪澳之義以輔導則養正而聖功在是按吳文定侍武宗東宮宦豎不欲太子近儒臣數移事開講讀公疏言太子天下本應離近習親正人曾太保武宗初與韓忠定等請誅太監劉瑾等八人

蘇石齋詩集卷第二十六

藝石齋詩集卷第二十七

秀水 錢 載 坤 一

小華陽歌

明代華亭高檢討磐山之石爲筆山第八洞天覩髣髴羣仙
門闢羣峯閒大茅最高屹南立中茅小茅西北環上館洞西
大茅對中館下館尋松關東西楚王淵相隔合流洞水疑瑋
潺湲積金峯小寶磊砢龍池蜥蜴飛應還上洞下洞極艸蛙七
八洞透兼升攀豈惟泉東崖若劈深入幾步窮源艱橫亘三
寸高及半陽陰僅寸羅屏顏最高之陰白玉片晃朗雲黠心
爲閒數傳未落廣濟庫吳鎮非我圖猶慳試摩長史左紐檜
采藥便踏秋苔斑

觀文待詔忍齋圖卽用其題忍齋詩韻

誰能九世同居室古有三緘是慎言圯上應從老人得淮陰
豈見少年存營邱山負澗邊屋處士雲遮松下門我昨適逢
京兆記也于懲窒一相論祝希哲書所作忍齋記嘗于別冊見之

倪文貞公畫冊歌

畫山非山水非水畫樹非樹石非石胸中有物不得消墨海
鯨波隨戲劇制實制虛力籌策朝端祭酒俄掃迹廉隅砥礪
應時須真氣滂流聞可惜我今見畫如見公世閒藤蘚哀其
窮冊皆自題其一云石介已極木窮淡無過世閒藤蘚將若之何

題鍾安人繡詩圖

蔣公力貧養葢自其少時邪舉前後喪出用法家書商之切栖
栖將五十始娶今安人切如之中復挈室行母嘗自教兒七十
乃息遊風義晉人知方其歲十九梅花傳十詩巖阿命早受

煙火根頻移

句有云移根避煙火受命在巖阿

識成畢生迹志行多瓌奇安人篋

遺藁宛轉繡

以絲絲記傳心心子孫規讀其祭夫文何

啻如寒梅

莫悲切

子昨官翰林奉母來京師還張舊所圖頭角

諸孫嬉仰瞻

念爾祖迴式安人儀世閒重嘉樹不在開花枝

結實以甲坼生生理永貽母忘冰雪其歲有春風吹西江自

渺瀰西山自屢屨

題沈啓南桃花書屋圖

圖上其弟繼南未亡前二年又三年乙未補題云桃花書屋吾家宅阿弟同居

四十年今日看花惟我在一場春夢淚痕邊

畫付東園阿弟初

啟南松卷為德觀弟作云東園阿弟看落筆

穠春那計卽華胥真成觀

裏來前度

觀東父來劉禹錫散南落花句

誰復山中伴隱居元玉挈舟歸里久太

邱扶杖說

經餘愛其未老拈毫細花擁青峯竹遶廬

陳爲陳五經子啟南少學焉而武功于成化乙未正冠帶明

住相文細沈吳下語沈畫多粗筆是幅乃中年之入細者

題沈獅峯山水卷二首

仄徑都無賸客高松別有虛窻峯陰諸澗成瀑橋下一溪出
江
康熙壬午圖就恰六十年到今老矣我生戊子不緣居士關
心

觀米南宮虹縣詩墨蹟

行書九十一字虹縣舊題快露一天清淑氣健帆千里碧榆風滿船明月同書

畫十里隋花窈窕中再題碧榆綠柳舊遊中華髮蒼顏未退翁天使殘年
同筆視聖知小學是家風長安又到人徒老吾道何時定復東題桂扁舟
真我矣竟無事業奏唐公後有大定十三年燕臺劉仲游景文跋云其從
姑之夫天官侍郎田自兵火閒獲米蹟數軸廿餘年乃歸仲游此其一也
江月江花書畫來汴隄新綠半如苔國尊小學人徒老心慙
膚公首重迴快劍寧惟斫蒲葦清風適已向蓬萊茶甌啜罷
頻伸展僥倖田劉幾劫灰

鄭遂昌小瀛洲記墨蹟

真書出左手小卷披高秋乃知我禾郡有水如瀛洲兵興在
元末江表方遷流茅山沈道士焉能守元邱避地聽潮里海
濱適偏幽鑿深曰瑤池竹屋華檻周扶桑朝激射象緯宵沉
浮羣峯青玉案瀕洞橫南陬道士號秋洲名激仙則修舊山
白雲觀劫火空回眸癸卯季冬望壁飲文是畱令人思其處
沙鳥多翎鷗

汎舟至慶豐牖

自住京華未汎舟吳儂聊習水鄉遊牖邊刻記曾燕石山下
疏源尙白浮坐對岸蘆花欲雪行尋園菊藥方秋借人亭子
傾吾榼祇覺風林不可畱

庭菊盛開諸君過飲有賦因寫墨花卷請各書之
題後二首

鄰園有菊發春苗乞取親栽百本饒詎藉竹扶將線紮自禁
苔臥任風搖逸情遠性流塵辟老樹空庭眼界超幾夜微霜
爭放辦也知催我酒人招

坊巷非遙去復來笑顏已賺對花開津門縱少今年蟹菜市
能賒臘月酷便趣寫生翻舊稿全憑詠物鬪新裁從容贏得
同朝誼小卷畱看記此回

題紀侍御復亭滌硯圖

元章癖硯又癖潔宿墨自滌人圖之君今所癖兩不染橫卷
倩作將何爲武康溪長三百曲流到君舍清漣漪讀書一硯
磨若鐵歲晚欲黑王孫池嘗于湖州府治東訪趙文敏蹟過其墨池旣官翰林改御史
簪白詎獨工文詞協毗

聖世暉執憲忍媿舊硯辛勤隨國家元氣衆培護言者尤審

蒼生宜澡躬洗心勉如此願硯亦曰無苟私西山泉脈城南
陂敢倣我友臨煙涯螭坳幸從珥筆後祓濯頻遣陶泓知

題張編修坦荷淨納涼時圖

小榭冰盤待薦單衣羽扇停麾坐深柳影遮晚聽寂蟬聲曳
遲泥莫能汙淨拭暑還自卻涼吹紅橋一曲憑寫何似三十
平聲六陂

集顧侍御光旭齋酒罷觀王侍郎富春秋色卷二

首

詞家近賺酒邊春商略深更短拍頻著我特爲先至客撩愁
翻對欲歸人將編修革舍請假將南此閒保社成來偶何日虛空畫得真
不用圍爐添獸炭中庭起步月如銀

麓臺石谷兩南宗畢竟何人是一峯釋子樓開曾墨瀋金剛

杵落又秋容

侍郎嘗謂使筆常如金剛杵

故家再世香廚闕

卷爲雕文

生面今宵玉

軸逢莫怪雲煙嘗有錄城鴉宿處已晨鐘

臘八日雪集慕道齋賦

臘日沿季冬宋維十月八烹穀撓藟柴卻寒競甜滑高城雪
宵飛老屋禽曉嘍快值粥之辰遂來塗我札麥苗溼齊生蝻
子健盡殺餓者免扶攜都亭散鳩鵲黃羊家供臘丹首市逢
帕北闕耀穹窿西山平塊北觴巖燈欲施牖靜竹頰夏春
轉須二旬饗風正宜刮

明年正月三日立春

查太守禮見貽其粵西石刻拓本詩以酬之

七星巖訪棲霞寺巖上詩剗見君字我歸卻喜携寄來久黏
齋壁頻掃埃豈知今宵一束送又十數種皆瓊瓌麗江龍神
福斯土作廟禱龍若風雨吾民襁褓士笙簧迺立書院于江

旁魯論富教國二柄守克端本方稱良君愛黃詩寶黃蹟宦
遊適屈黃所謫龍溪祠成索我題萬里箋傳楚南驛三碑今
在風義深況乎常愜探幽心行行橫雲甍前句渺渺受江亭
上吟古甌泉頭墨翻瀋清音洞口寒生瘁嵐光土龍英州洞名葩翠名山
太淋漓遍拂苔花恣題品只今太守歸以憂十年志趣畱蠻
陬願君起得山水郡刻石寄我長偕遊人生莫負佳春秋

集蔣編修士銓壽護堂分賦得攝山

請假奉慈母卜居向秣陵此酒別情遣彼都勝蹟徵衆峯圍
窈窕一峯高峻嶒有草可攝生采之盍先登碧江下如帶海
日金焦升東嶺鑿千佛雲喬龕尚憑西巖沈徐題沈傳師徐銓題名松
密谿影澄中間石浮圖滿寺青霞凝春風

玉輅駐

天藻山靈承清森秘景發秀傑嘉名增

紗帽峯改名曰玉冠峯

上

昔賢宅嘗

捨遂谷言笑膺今君家乍遷近市雞犬仍出郭三十里蹇驢

爲我乘拓寄侍書墨使如偕訪僧南還實歆羨豈惟和氣丞

想像林壑美夕翠搖窻燈

題蔣編修歸舟安穩圖

廟堂才不乏星鳳世皆覩館職壯盛纔如何去猶愈有母荷

恩勤無家恐風雨乃卜傍鍾陵將爲始遷祖述德吳興郡避

亂鉛山塢先公賦遠遊盡室嘗險阻獨子命更相

陳情表更相爲命

老

懷指僂數故林少立錐新壘難畫虎在北亦晨昏維南尤水

土不然素餐殮誰謂嗟杖杜俶裝托丹青首塗具篙舫安坐

太夫人兒婦諸孫聚忠孝莫得兼紆迴蓋自古英英葵藿姿

眷眷太陽午明當下潞河早便過淮浦天月一兩圓驛楊千

萬縷迢迢望所思
髮鬢啓爾宇嵐光照前楹
江聲遶後園籬短竹旋栽階
靜蘭斯吐祠中潔豆登廚下
雜罌內舍機九張外塾書四
部身還親細事足豈入公府
祇愁邱壘隔頻返松楸撫薄
置太傅田詳作宮師譜空言
僕寤寐實際君規矩單舸判
行藏百憂恬仰俯雖欣得萊
衣終悵失鴻羽昔則佳士佳
今其腐儒腐教授若于鄉報
時非小補丈夫結束初頗各
圖建樹

甲申

試燈詞八首

咬春過了便薰天
排日看他勝事連糊取老人
燈一盞鞠躬端爲賀豐年

今朝特地兆豐年
小雪按花夜景鮮
說與姪娥教玉兔十分

準備打頭圓

戴儀部家春餅香卷簾來共少年嘗飄蕭髮耐懽騰醉倍惜
燈光與月光

鳳城好景逐年增況近元宵喜氣憑藩服朝正行錫宴御
園趁曉已張燈

燈光須與月光逢後夜雲光定不濃願雜小兒敲畫鼓太平
聲只報夔夔

冰獅汲水凍當街火判臨風亦復佳總遣蠶桑真百倍來朝
未害續齊諧

新燈那必舊燈同新句難如舊句工可可糟牀酒新醅大家
堅坐及春風

靜巷幽坊佇玉輪驪驪蹀躞憶香塵走橋百病能消卻催促

三三五五人

董大司空齋觀米敷文海嶽菴圖

米老東岡京口居翟公出郭題詩初元暉今但憶其半畫就
別幅跋且書亦知天地猶人寰東岡所見之江山白紙是雲
山是墨羣峭無石江無灣雲連雲斷峯合分接空水氣皆如
雲令人見墨不見筆透背隱現曾無紋屋處一角海嶽菴瓜
步北岸望者南舊遊苔磴近可歷何日酒榼重相擔米老宅
圖自畫嘗菴西巖高曰朝陽竹風梧露極天趣中有堂曰早
來堂後書菴賦并五詩此卷安在夢想之銘心尙許探鴻寶
卽事真憐繼虎兒

次韻寄答德州沈倅天基去年畱別之作二首

萬里歸來有鬢華三秋京國對霜葩不辭渤海還爲吏也勝

牂牁更挈家

小橋深巷昔相過辛苦蟲皆食夢何容易尊前成破涕江園舊雨已無多

三月癸丑

上親祭

歷代帝王廟陪祀恭紀

章皇禮初秩

仁廟典加隆

先帝鑾臨屢茲辰爵獻同

順治十四年正月定

親祭 歷代帝王儀二

十年

詔增定

歷代帝王祀典六十年十一月始增定雍正二年三月丁丑

世祖章皇帝始

親祭康熙六

世宗憲皇帝親祭監三年九月丙午四年二月辛卯五年三月丁酉七年二月壬午

凡五行

上乾隆三年九月乙卯九年二月己巳皆

親行

魏我方節宇肅穆遂承

躬鑒古心惟貫乘乾德愈充匡平聆曉奏神具悅東風

查太守禮招同曹參議秀先楊中允述曾申光祿
甫饒編修學曙許農部道基蔣編修士銓吳吉士
省欽汪舍人孟銷趙舍人文哲接葉亭看丁香花
分韻得落字

彌旬不見君出郭遠宦歸鄉寒食作絲來上塚拜青山草露
松煙卻關樂繡陌生埃鞭馬轉丁香啓院繁花著冷過二月
春趨催枉擲千林好跼萼綠痕亂染成堆石斜景低籠欲乳
鵲酒困連朝君不知亭前遂以羣公約碎玉圓瓊翻葉嫩紫
雲白雪擎條弱荒荒粵嶠一樹無冉冉燕臺十年各尉氣霏
微半霜惹風心駘宕多真錯未能容易共闌干只合留人看
到落誰更郊園雜芳賞吾將墨繪餘情托剪燈直得一情騰
明日街頭賣紅藥

程舍人晉芳招同劉學士星煒朱編修筠曹編修
仁虎汪舍人孟錫家學士大昕飲紫藤花下分韻
得紫字

立夏已近風信闌老藤含苞還坼藥我無一架晴壓檐君有
百壺宿擔市嬾癖裊裊適先造蕭齋止復關名理像懸初祖
袈裟紅花覆中庭瓊珞紫輕雲度天不漏日蜂蝶去來人坐
起透鼻繁香斜卷幔當頭密影平鋪几玉山可頽春信惜勸
醉未覺流光駛但息塵蹤自冷喧便飛雨點何噴喜卻憶童
時村圃曉高榆婁絡飄新綺看穿白練攤煙叢攀雜黃薔翻
露水臭味原於野人合豆苗菜菔聞都似放梢鄰筍儻笑余
京洛尊前鬢絲繁況對佳辰懷淡漠難及羣賢詞旖旎花陰
且要月同眠月上定應花曰唯

題文君印

每恨卓女曾好音後來乃賦白頭吟奩具今傳厥私印赤銅
龜紐方半寸未知用此定何爲錦裊猶憐土花嫩相如之名
慕相如卓女卓女誰慕諸世無同名鼎豈膺摩娑可奈落花
餘

朱編修筠招同人過給孤寺東昌家看紫藤花歸
飲其宅限三字賦長歌

震雷驟雨昨竟日曉望不得行趨趨但滋五穀近畿足儘飄
萬萼奔渠渰所期終想紫垂架泥滿鞦韆何以堪須臾日氣
破雲氣次第巷北投巷南清清無聲古堂一鬱鬱有陰老本
三東西雙立大于樹臥者蟠屈身生潭青旻歲現寶瓔珞凡
幾小劫鄰瞿曇蔓延散走正磅礴粉墜溼漬猶醺醺未來頻

訊市中隱將去復臨石下潭躊躇乃當把君琰顧笑覺太今朝
慙明燈已張影還聚吾徒申誠如醴甘莊則不親狎則簡
赤以染朱青以藍靜思帝里人舊植先數吏部廳曾探海
波寺傍亦彷彿竹垞屋處餘甍甍呂家謂真元代物大德題
字年誰諳替花爛漫索新句屏後又坼黃磁壘

觀李伯時畫驪山老母與李奎論陰符秘文紈扇

高宗小楷書陰符經于後幅

杖扶右手鶴髮鬆左顧指與人鞠躬微焰樹根俄輝小茂陰
煙裏本龍葱伯時舊物儲行在紈素團團分面背妙絕鍾繇
隸畫傳數行未讀爲心慨咎咎一德方格天孰是將然孰未
然鳳皇山翠濃于畫汗水無聲落照邊

趙希遠荷亭煙柳紈扇

高宗題詞後幅云雲霄遺君洗回塘荷
花積漸芳柳陰一帶遠宮牆春血過柳

旁風力遠月痕長
窗中絲與簾
不妨佳句滿殘陽
閒心轉更涼

憐絕扇紈如月大銀塘一曲牆
一帶碧籠絲縷柳成煙粉點
隻雙鷺穿靄塘下藕花花上欄
欄中人坐對吹彈花風將晚
晚逾靜人意自涼涼未寒
況于德壽邀佳句書就雲霄曾進
御分明南渡幾何時約略西泠不知處

錫壽堂燕席作四首

同微劉相國繩齋陳通政句山申光祿笏
山楊中九此山盤散集王太守礪齋宅

仁廟平海寓制科雅化覃

憲廟光盛軌舉士

詔至三我

皇初元啓復

詔幽遐探羣材集

闕下劉公來江南褒然

試第一政府于今參

武成錫宴後萬國彌樂耽從容叶佩

玉小大端朝蓂槐陰靜首夏雲色濃西嵐庶幾式懇款庖潔

醴且甘

徵車遍諸路

先後舉者一百六十七人滿洲五漢軍二貢賦三奉天一江蘇七十八

五山東四山西三廣東六

陝西四四川一雲南一

上聲

偕進朝則銀臺

陳豈無歸田儔遠在江湖濱況乃還山侶寂寞半以淪其閒

甲乙科先後相拖紳崇霄信翔羽廣陂樂萃鱗文章竝特達

事業難等倫奈何星再周落落還向晨賤子晚通籍鬢華強

當春迴憶公車錄眷然陪茲辰

光祿舉布衣旣而孝廉仕中允第二人相國同州里科名與

官職我寧屑屑齒入座惟數公纏緜能不爾廷尉適養痾掩

關詢初起參議叔耗聞樂歌方輟耳

敘王曹兩公之未至

盍簪非屢占顧

且睽尺咫何以求今宵華鐙照階祀

已未五十人曰惟文恭相城南此舊堂老樹鬱檐向賢孫爲

大都繼迹歲在壯矧看子文才兄弟早逢閭紫藤架乍綠紅

藥闌齊傍拂景遺良時聆譚挹嘉貺緬自

祖宗朝迄今逾醞釀羣公邁曩哲賤子勉微尙從來臭味親
亦可周旋曠穹壤百齡俱因之起高望

題王農部湘三泖漁莊圖

君家泖上青九峯我家澈上峯還重老漁風與老樵雪誰合
輪君誰讓儂

前湖觀荷

鑿沼工兼賑栽蓮淺更深十分花澹竚一角葉涼森倒影遙
山漫澄輝翠宇臨因瞻

宸什好傍柳動微吟

爲韋編修謙恆題其先教諭鐵夫授經圖

經濟端由儒者出儒家六經天下術韋公經業信已傳嘗作

儒官時少匹泗州爲罄賦夙蠲半淤半涸中有田潼安設衛
征莫析丈量詔下雍正年儒官襄役條厥議淤者涸者無
蒙焉大吏以聞衛斯撤州賦得減踰七千捕蝗賑饑況多效
博士非惟掌經教先生自卻暮夜金早有生徒化而孝百雖
一試心未寧網羅衆家雙鬢星丹鉛寂寥托畫本尙望能讀
人趨庭自捐館後二十歲賢子對策升青冥豈誠蒙福天可
信與寐無忝章公經

送徐太守良之任夔州二首

粵西佐郡幾年餘垂橐朝京日駕驢此去又爲賢太守相看
原是老中書許身慣越山川險報國頻添鬢髮疎荆楚上游
全蜀口耆民扶杖望旌旗
名紙烏絲畫作闌顏家非僅祿能干乞君爲寫先公疏贈我

教畱後代看灑瀕瞿塘饒斷石素書雙鯉有加餐政成莫待
懸車候秋月專鄉共釣竿

古意四首

瑱窻對鸞鏡窻口花枝春鏡非天上月儂是月中人
銅爐仿博山瓷罐闌牙香貴使熏籠下一甌先置湯
錦官元在城濯錦卽名江自然新織成疋疋可無雙
有情春自好亦復向人前繡鴛花落地團扇蝶飛天

題祝京兆吳郡沈氏良惠堂銘拓本

沈之諸孫演之銘銘而能書得允明演先太醫立其名明仁
宗朝仕稍亭上溯德輝彥才瑛元醫學官遞有聲堂褒御書
宋思陵曰良曰惠方伎成被賜者名湮莫徵家吳從遷自汴
京未南渡曰沈已榮良醫之惠德實宏遠孫乃有中書君

思陵蹟失祝刻憑石又失惟聖本清乾隆歲裝矢厥誠我醫
我儒寶我貞沈之後賢其克繩我詩亦銘毋再更

張給諫蓉編修旦邀同諸君郊遊

族將車馬出南城淺潦高塍喚步行村色歲豐多喜樂人家
秋晚少經營堆盤近採新蔬嫩鋪席頗依密樹清薄醉皆言
今日好賴君興發弟隨兄

次韻金詹事入府丁祭畢與諸公飲福之作

儒臣禮意

兩衙存釋褐

端由太學門

翰林院詹事府皆直
至聖廟春秋祭

幸以宮

僚合坊局

左右春坊司經局之堂久北坊局官上
任及領印借坐詹事府之生
府之主簿錄事兩廳齋宿輒聚府解
茲丁祭日俱詣府行禮

減于牛

俎供羔豚俸錢率出非年例

府坊局有視學者舊係
充公則不減金以祭

祭肉叨陪是

主恩老狀元今老詹事憑將舊話後來論

爲陶太守其繁題其先祠內翰成歸去來館圖

靖節先生栗里村匡廬山色到柴門
塵中孰與膺高士畫裏

今知踵遠孫

內翰爲靖節三十八世

返服全家遺井甕養親半世樂田園

況于講學傳醇行合著流風起後昆

王祠部顯曾邀出右安門看秋色先夕得句

禮部官田歲有秋聞君租穀爲徵收
掃塵野廟居相借延爽
豐臺目是謀翻向郭中呼酒伴甚於吳下作花遊
菊黃壓擔
都趨市恐卽盈籬半蕊頭

訪菊

城中嬾癖何須解野外秋英且欲看
疎密分畦無草亂淺深
汲甕不泉乾高風老樹吹還綠
薄日遙山照已寒村叟得錢
憑拗取數枝香氣帶歸鞍

題藥根上人江干送行圖

飄然何事向西東猶說南來送別風家近佛狸潮舊碧堂開
牛首樹今紅勸君七祖禪應叩笑我三湘勝未窮岳頂壽藤
親所劖試將扶入白雲中

飲商太守盤於聽雨樓

元年初見在京師姑孰還題竹扇貽觀化本來流水似論心
今有故人知昨讀次及胡三雅感上高樓且求紅燈夕老守先翻白
雪詞酒氣生春裘旋脫任他簷外月娥窺

哀女孫善安

兄已七齡萎迢遙弱妹隨一年嬰此疾百藥問誰醫我子南
行乍家山夕夢遲傷心願歸骨汝產在京師

蘧石齋詩集卷第二十七

韓石齋詩集卷第二十八

秀水 錢載 坤一

乙酉

王祠部攜示夏太常蒼筠泉石卷

青翠紛敷逸態生多君惠我眼雙明
定然放籛追王綬可又添梢服處誠
落澗紆迴石稜瘦連坡掩映草叢清
想當柴几觀徵士蕭散殊快在野情

戴凱之竹譜條幅紛敷青翠森蕭卷爲林徵士文理寫

上元日箭亭侍宴

上辛禮協上元辰昨進春牛乍立春旋

蹕青郊陽氣達疏筵曉禁寵光新八旗創業中和播

萬壽勤家喜起陳皆識尊親有同樂廣霑蒙古及回人

三月四日展上已集陶然亭

今歲耆耄言稀值閏仲春春芳乃逾百自宜展蘭農南國樂
上已

大駕舉四巡 鴻文耀江山惠澤徧民人望曉霽都城戒宿
合朝紳從容亦有酒爽塏殊無塵情方重少長禮不在主賓
豈惟嘉節補席用清陂臻青蘆出水短絲槐覆亭新山光遠
堞遠鳥聲下檐頻接席十數輩職多奉絲綸迎 繼歲 名
試吳越才邁倫子唱我則酬各以古義陳我起君復畱彌見
玉笋醇一欄紅錦花采摘聊相親

觀林和靖二帖墨蹟曾爲沈啓南所藏

雙緘瘦硬誰得之聶衛公帥西蜀時謝升孫跋在元統既歸
於沈跋復詩盡借坡翁山滌韻吳 寬 李 東陽 陳 頤 張 淵 半同
郡先生書自梅格清諸蹟差肩各投分簞墩拗律亦鏗鏘此

日孤山有竹庄相城雪後絲絲碧擬薦寒泉一瓊香

趙仲穆雲松仙館

云有五茸士棄家著黃冠仙居寡所向琴罷復自彈風神何
邁爽庶見凌霄翰橋李值趙公徵圖如所安數峯秋碧峙一
凹白雲漫屋邊絳葉林籬下紫莖蘭爐香靜初放詩侶來亦
歡獨鶴侍前除薄陰生晚寒

原心亭齋宿

謬竊文章重恭陪祭祀馨槐陰清孟夏夜色靜頭廳玉砌行
還坐紗幮夢亦醒有懷殊未已耿耿見窻星

趙北口

蒲草青青際風帆半以徐橋陰爲午飯淀裏得秋魚意氣長
鞭及功名短髮梳海東鷗鳥夢又覺十年虛

景州次韻答李少司空文夜雨見簡

連日征衫風灑然還停高館夕陰邊最宜滴滴聞疎雨未免
齟齬得好眠秋在黍粱蟲語靜路無塵土馬蹄前與君瀛鄭
南來夢已似江城八月天

重謁孟子廟

冠帶雞鳴心仰止泰山巖巖道高美門庭趨闕十九年愛惜
階苔歷雙履松陰之井清可鑒手汲井華甌自汎舊傳白晝
地出雷孟里重開古坎陷沉思孔母井在尼山東顏氏井在
陋巷南曾氏井在徐州北改邑不改非虛譚襄袞廟口望嶧
山蒼翠欲滴蒸秋嵐

宿州曉行

淡月淡如此涼風涼漸深蟲鳴豆畦急馬步柳隄森灘水一

聞夢相山多賞心
菟裘他日遂莫漫鬢毛侵

紅心驛奉寄太傅公二首

汗漫曾隨使豫章
皇華今幸也秋光卅三驛過思公切十九

年來望我長

自第一程周節驛至此
皆丁卯隨公江西之路

小館卸衣仍雨後
明朝分路向

滁陽里居晉秋

君恩重賢子新歸築養堂

賜杖圖形八十翁
萬端常在一心中
若論上世多陰德
何以諸郎有父風
老柳身邊班馬戀
清淮口處鯉魚通
潔蠲已待祈江瀆
培覆真難答化工

蘇詩二日
將歸于江

輿丁採山花

趁曉筍輿來滁山
紅翠開一莖
持乍贈幾種
顧頻迴露澤家
家似秋涼段段催
鬢絲簪可滿合讓
路人哈

清流關

廣寧門外二千程，齊魯河淮坦迤行。
突據岡巒高壘險，全收吳楚大江橫。
南唐入宋沿州堞，西口迴風度使旌。
老我重題秣陵柳，不知猶似昔年情。

遊醉翁亭

瑯琊西谷晚相尋，香火禪人自一林。
泉上醉翁應動操，山前荷蕢或知心。
盆安大石皴苔色，庭臥枯梅遶竹陰。
不是文章兼政事，孰能遺愛到于今。

江浦見收早稻四首

昨日見稻田，今朝見割稻。
江國別十年，那能不言好。
曬稻復打稻，心歡忙亦閒。
黃鋪萬頃田，碧映一圍山。
掃穀復簞穀，老翁樹下看。
牽簞布裙女，赤腳轉團圓。

篩米復淘米滿家香靜靜今朝是七月明朝是八月

試院登樓

城靜夜江香山低秋月寒六朝人物地惆悵一憑欄

重謁明孝陵

朝陽東出遍秋苔天闕南瞻夕翠開躑躅獨龍岡下馬蒼茫
二十九年來寶城亭殿猶樵禁

聖祖

神孫幾酌杯自是

本朝鴻澤至軍都諸寢總無推

阜城晚行

冬柳黃于菊鹹畦白似霜棉花大車捆煙葉獨輪裝村遠聲
多靜人歸意不忙江淮達 畿甸可愛是豐穰

丙戌

乾隆三十一年正月

詔湖廣江西浙江江蘇安徽河南山東分年免漕一年羣臣

具表赴圓明園謝

恩恭紀

聖祖深仁六十年半週甲子賦曾鐫

孝思繼序三階正愷澤加民七省連苑簇華燈將設饗

春烘凍木已含煙上辛況賴

躬祈福萬國豐亨卜稼田

遊摩訶菴慈壽寺

阜城門西八里莊早春閒客來絲韁搶鈴空憶薦冥祉墳院
尙看連貴璫吟處樹無千杏纈殿頭花是九蓮香老僧供茗

拓新牖坐愛好山多夕陽

上元夜題文信國公鮑氏譜像跋墨蹟

九行八十六明珠月淡燈寒寶燄敷鮑氏譜嘗先像列吉州

名亦弱豪濡厄匪幸不家人拭公與有五妹詩帖王積翁藏之行草煩後紙損爛家人幾以拭厄匪

將祖石摹試較後來忠肅冊千春皆是聖賢徒藏有公鄉後學李忠肅公邦華尺牘一冊流寇陷明都忠肅殉節于信國祠堂堂丈夫兮聖賢為徒其目詩也

祠堂堂丈夫兮聖賢為徒其目詩也

上祭

社稷壇侍直恭紀

北牖惟南向陰祗竝穀元為民申

九拜以配侑三尊

聖協中和氣天覃雨露恩屢豐占所受蒼靄起郊村

奉和總裁尹相國用聚奎堂壁閒韻相國姓衣

三十年餘令望深得陪檢校及春臨固知

上意崇經術久待公來式士林聲倡鳳鸞諧律呂氣分珠玉
鑒淵沈總持直倚能虛受兩侍郎教共一心

會經堂感舊二首

前首爲蘇文恪公介公宗伯公後
首爲蘇介公公城修公且補注

草色槐陰立步欄庚年丁歲數

上聲

經籤朱衣座主春都換

白髮門生老更添一掬淚憑天上達兩行燭記夜深瞻掠人

祇覺東風太冷雨迷濛卻下簾

神仙官府總安居壺嶠蓬萊路有餘陸氏一莊今已甚下生

雙足昔何如淺深踐覆焉能醉長短箋開且欲書明月黃昏

照無寐重城應遣夢來虛

憶瀛洲亭丁香

花開準擬賞瓊巵南省春深奈負期此際煙籠亭外影幾回

雪墜檻前枝藍濡禿管吟還就香糝生綃畫已遲祝向團圓
好明月今宵直爲照方池

南陵辭

南陵葉時昂聘李女十三殤女與時昂本是同年生六年苦
心女歸歸以貞乙酉五月之日一拜昂墓淚如血淚如血七
月十二病五日不食不藥死也烈嗚呼南陵葉家村村前三
里方家山李女合葬于其閒

來鶴堂詩爲傅鴻臚爲許賦

元冬修夜起將朝藻質清音下遠颺燈火光紛猶似舞軒墀
地迴不煩招在陰易旣觀其象于野詩應樂且謠接翼鸞凰
深被遇迴思江海本凌霄

韓烈婦

并序

維縣李氏女諸生夢齡妾夢齡歿於乾隆二十九年七月李
所生一子一女殤十二月十日自經殉年二十有五
君歿月初霜妾生維旋殤承家原有嫡畢命遂于梁誰謂小
妻賤恥如穠李芳清魂飄凍雨路不下泉長

奉簡祝大典籍維詰四首

羨君七十試南省一子兩甥偕外孫詩且催題憑介壽榜猶
待放適開樽天惟五福莫難此人本同心嘗與言祇欠入簾
供所職未先擔榼賀子門

我今何以壽先生休矣拌他榜上名累舉佳兒雖未第臚傳
快壻已皆榮外孫踵起尤無匹內閣班資既有聲歸去不如
聽杜宇西城新綠舊軒楹

山憶梅花徑憶蘭溪浮菡萏繞琅玕我歸未定偏君勸佛語

曾參又夢觀滿注酒杯隨地覆細刪詩藁及時刊太平勲業
中朝盛一笑何妨骨相寒

老與比年差點檢自銘藤杖縛葫蘆還憐古鏡堪相照藏近得漢仙人

不老未審先生有是夫丙舍田懷太傅謝王官壙仿司空圖

扁舟激上作新社不用人歌山鷓鴣數十里雍正辛亥上巳偕遊曾願

卜知啄花鶯坐水楊柳雪聽人歌山鷓鴣元人況永安湖句

觀周益公所藏歐陽文忠公墨蹟譜圖序一段夜

宿中書東閣詩一首并中書所錄裕陵出閣指揮

兩行

東都相去百餘春寶愛非徒是邑人乾墨尖毫方滿體清省
豐頰進趨身鈴來益國章如昨數到潛溪跋盡直有幾文忠
足輝映暫教披拂市門塵

夏至

上祭

地于

方澤侍直恭紀

國北曉和鸞黃琮禮數安

祖

宗三獻配岳瀆萬心歡職石瞻惟

聖趨西恪在壇陰陽初辨候原外露微溥

題吳編修以鎮秋林對奕圖

三歲金門侶別來十二春褰裳難縮地讀書卻逢人物外忘

憂易林中坐隱真黃山太無賴不遣夢緇塵

題邵侍讀嗣宗收綸圖卽送假歸太倉四首

若爲道德竿若爲仁義餌嘗聞諸淮南老矣思其次
直鉤又空鉤曠觀世所囚自我與君遊亦不縱飛綸
沈牯蹲會稽負鼃據滄溟彼亦漫云醉此亦漫云醒
歸歸釣鱸魚小艇信所如三江紅葉外百里青峯疎

宋謝文節公橋亭卜卦硯歌

并序

硯長尺一寸濶六寸額篆橋亭卜卦硯五字左右邊兩行草
書云此石吾友也不食而堅語有之人心如石不如石堅誰
似當年採薇不食守義賢也轉背左題程文海銘右題大明
永樂丙申七月洪水去橋亭易爲先生祠扣地得之閩後學
趙元口中題宋謝侍郎硯天津周上舍月東購得此而太平
守查恂叔心愛之月東臨歿遺書萬里以贈今藏恂叔所
查君夙愛周君硯周君遠爲查君寄薊北畸人抱硯亡粵西

老守奉書至吾儕嗜古非偶然物關節義情尤關歙州不少
石徑尺傲倖渠曾親疊山建陽縣外朝天橋先生開卦名此
逃橋下灑流大溪瞰橋上架屋長風飄此時此石曷足貴磨
墨且畫陰陽爻遺民江表多罹悔延訪誰其辱相待卻聘書
憑宇內傳惻忠寺尙城南在此石此時良足悲作銘乃屬程
文海不知先生之北硯可從不然閩壚幾日還孤蹤不然橋
亭水後易祠處何復一鋤剔出苔花濃秋燈今宵照我題此
硯也勝李東谷與米南宮

紀侍御復亭查太守禮程舍人晉芳畢侍講沅曹
編修文壇家學士大昕集小齋分韻

寒暑逾可懷繾綣及夜長檐明霰已集威定鴻猶翔君子幸
來至疎燈接冠裳深譚有勸酬不在多樂方瀛寰荷道泰畿

旬邀年康諒惟黍稷富迺以尊饗香悠悠既在再碌碌徒徬
徨好而能勗我嘉會後且常

題吳秋部巖飛雲洞圖卽和其自題用王文成公
華巖洞韻

石山如雲雲覆臺遠慕真本使黔來千尋瀑挂起蒼壁萬片
嵐蒸生渴苔佛閣高憑樹杪見秋英細傍筇枝開夢君五洞
歷探徧分取前賢句子回

洞凡五飛雲大風搖瑟
半珠巖巖而飛雲最奇

端範堂齋宿

歷職經三至迴思別一年庭中僵立柏燭下澹生煙農旣豐
登穀

皇惟大報

天寸心無所矢敢不藉精專

趙編修翼山守鎮安屬題其所謂鷗北耘耔圖卽以送別

春畦鉏耨者金馬久翱翔蒙恩秩二千舊業逾不忘人情貴
思本厥德恢無疆今宵飲君酒照壁此燭光國家重廉吏實
望氓庶康山川自縣巨庭戶非阻長我慳明珠佩又乏寶劍
裝裛裒沙烏心何以贈子行

蘇石齋詩集卷第二十八

堯石齋詩集卷第二十九

秀水 錢 載 坤 一

丁亥

二硯歌 并序

文信國玉帶生硯在內城攜謝文節橋亭卜卦硯訪之竝陳于几而作歌

昨見文節橋亭硯卻思玉帶生未見悠悠人海人豈知豈知信國硯在斯二公英靈亘天壤相友相於日來往二硯相望五百年嘉會之禮無因緣得邀謝硯訪文硯是有鬼神非偶然文山硯左疊山右端州洵堅欽不後信國硯銘云礪賜之堅今橋亭卜卦硯程文海銘云不食而堅此几此几逢今辰此堂此堂記春晝炷香敬爲雙忠悲再拜恭惟兩丈壽丹心詩未題零丁伯顏兵未趨臯亭公方性豪

厚奉已硯亦務寡稀勞形

信國硯銘雖未紀歲月要是在平居勤王之前

轉茶坂頭初旅食

建陽市上罕交識公祇麻衣哭向東硯應顰面愁占北何榮

何悴貞節同見二硯不見二公墨而揭銘卽鐘鼎匣而分手

仍萍蓬堂閒几淨意繾綣一片清氣留虛空

上視祭

社稷

祝版于

中和殿侍直恭紀

闕右竚

親行正辭據

聖情仲春祈以禮吉戊撰于誠啓殿朝光靜升階暖氣盈同

瞻

拜興意如課萬方耕

趙子固東坡笠屐圖硯歌

葵齋居士巨硯琢背寫坡仙髣髴清藏者遞傳印各刻俞和
濟之及文彭康熙丁亥王澐得船泊奔牛雙眼明積書巖空
又流轉昨歲在粵今在京去冬丙戌廣東學使翁侍讀見此硯于試院作歌寄示硯乎彈指易
周甲感我觀者戊子生從初葵齋亦何取戴笠著屐長身行
宋家絹本態迥別少一拄杖衣飄縈邑犬婦人小兒雜雨狂
路滑笑吠爭軍使張中識其趣秀才符老嗟此情我不慕蘇
卻爲趙白頭藉發春風聲

靜宜園曉直

堯臺舜館藹朝陽遂谷修林擁太行東面昆湖圓鏡朗前臨
寶塢玉峯長
聖情日暇流鴻藻 幾句春多攬遠芳青瑣已聞傳劄子華
裾猶自帶星光

重至臥佛寺後院娑羅樹下題

昔來秋葉滿庭濃今見春枝有悴容
佛樹此山推古德與君須更幾回逢

北方初惟寺之一株今大可三人合抱而頂已枯摧又前庭四株又潭拓寺一株皆其後生

梵隆十六羅漢渡水圖

東岸地盡指西岸西岸登者卻東瞻
中間厲深亦揭淺脚跟牢者波紋湑
招者倚者打包者杖者扶者笑言且從者
挈擔平聲續續行風聲夾雜泠泠瀉已渡者無喜未渡者無嘆皆得渡者見至人是爲十六之應
真畫者吳興菁山僧盧楞伽歟
貫休倫卻憶前時逢六尊卻憶前時禮

聖因

甲申觀盧楞伽六尊者殘冊丙

寅觀貫休尊者十六幅于西湖聖因寺

趙仲穆爲楊元誠畫竹西草亭圖

行省掾屬有楊瑀吳繹寫像倪瓚補樹石之後諸公題敦交

瑀也名流伍其家浦東今張溪種千竿竹于林西翠玉蕭蕭

屋在東主人號作竹西翁二語即用元誠自題句竹閒築亭廬斯揭此時

二月多春風春風誤寫趙仲穆仲穆借王荆文鍾山即事題云籬水涓涓

日一鳥不鳴山更幽首句王集是淵水無聲遠竹流也兩樹長松一坡竹亭中有人靜槃礴亭

下有溪淥隈澳二甲進士李黼榜鐵崖道人題復賞貞居曲

江暨南村物外十輩聞清言我今展圖向塵沙安得問爾之

東家惠風滿簾吹蒼雪春雨充庖盡玉芽二語又即用題者為交壁句

追哭祝典籍四首并序

去秋豫堂之歿載哭之而不欲以詩也靈輓歸海寧未克葬

當春黯傷遂雜然寫之竝將與康古誦之

科名官職本皆虛休矣先生術未疎各各傳家詩禮學勤勤

立命聖賢書原知到後歸無用豈悔從前恐不如何處夜臺

應聽我隔來猶欠半年餘

澎湖朱大

偶刪

賃居年張

篁園

祝陳

乳巢

王

受銘

大小錢

從

曉村

菊候清霜梅候月南軒薄醉北軒眠浮生自古難長此

殘夢于今實渺然怨絕篁園歸里後尺書竟不薊門傳

分明懊惱那能言風雨何知此冷暄花落花開誰錯誤年來

年去亦叢煩負君秋館燈無焰愧我春衣淚有痕幸是孝廉

真孝子一邱早晚上高原

蘭摧汪二杳何之

君甥豐玉
康古弟

玉折陳郎又幾時

陳丈乳巢
子漁所

大化慣

于才士酷明經俄以客魂悲

希聲豐玉弟君發希聲
為泊木踰月亦病歿

城南水燕仍飄

羽擔上山桃漫吐蕤且拉舍人芳草地相濡相煦付深卮

邵文莊公溫硯歌

錫山安氏製爐善火下水上可溫硯二泉先生嘗得之左右

歲寒銘獨眷

銘曰昔有藏冰寒有爐火既濟且和幾理在我波鼎我硯制殊義同汝輩汝從惟金在銘功成斯交而不自有左右置之歲寒良友

先

生名起嘉靖閒終養乞身居在縣別于南郭仿龜山始是東

林有書院門人華雲凡幾輩硯或其時相後先熾來木炭含

紫煙炙向風腮卻銀霞形方而橢橫尺強二百春秋閱如傳

聽松菴裏今復歸點易臺前我未見我思弓河城之東曰又

高顧相希蹤龜山舊觀頓還爾東林微尚將無同奈何奈何

名竊附幾社復社言交訂硯兮此日返故處能不迴憶當年

公公家香菴卽聽松硯今靜覆菴松濃松根石泉泉第二松

頂雲山山九龍竹爐煮茶甌正碧銅爐置硯灰自紅梅花萬

樹雪三尺我欲從之過大冬

錢舜舉洪崖先生移居圖

西山石壁聞洪都洪崖移居刻作圖雪溪翁今別本摹馮海

粟歌讀可娛先生長身頰多須褊褊葛衫帽色烏束帶著韉
行且徒先生新卜廬何區僬僬之後爲侏儒蒼頭實從厥狀
符手六角扇顧僕夫白驢白與西行殊裸肩輕使勿奔趨是
僮夜半能益芻又一蒼頭負笠孤驢雖揚蹠愛如駒舉鞭未
下口已呼又一僮負文書俱又僮前膽負大瓠大瓠酒可數
石沽先生家具祇此夫是卽所謂僕五人曰橋米栗葛拙者真靈位業知有無青城
近在非崎嶇先生先生筇竹扶大瓠肯借一醉吾

出右安門得詩三首

僕夫且與緩行輶政要鈴驟步步休中頂煙清榆未吐草橋
水淺鴨相游

老去尋春敢惜春春應休笑也休聲能無白髮三千丈已是
平頭六十人

苑瓜亭處雜花開
村酒村翁勸一杯
莫訝先生非嬾惰
幾年春不出城來

南紅門迎

駕恭紀

畿南水利軫三農
海上春陽轉六龍
增築長堤惟鞏固
報祠二淀俾雍容
晨光輦道輕埃淨
午靄軒宮碧柳重
無息實瞻

乾德至射熊又詔宰臣從

南苑曉直

天和地廣曉星繁
更直分趨集鷺鴛
七十二橋三海子
青蒼老樹舊衙門
龍媒寶勒風前立
虎衛華旌月下屯
訓武不忘疆場事
萬年

翼子與貽孫

上命諸皇子于南苑習射獵一月

聖駕巡幸天津恭紀

丁亥維春我

皇時巡趙北淀開風潤晴新

御製趙北口行宮卽景云雨後有風亦含潤

安福艫駕

廣惠橋遵水如江南

念江南民

安福艫御舟名越水吳山幾度評又未能忘者是民情

御舟過廣惠橋云前年敗馬過橋頭路指江細卻猶遠今朝進艇自橋下景有江鄉翻似近

七十二淀自西流東中亭玉

帶清河名蒙誰謂渾河故道斯通昔譌既改今

覽彌融

御製過中亭河紀事渾河故道建議放此既改其誤于今親覽無信

謂前督臣嘉淦謬聽中亭卽

蘇橋則名蘇祠

則立洵雖未赴表賢宜及

御製蘇橋雜詠云長橋御說老蘇建未識歐陽真誌銘又尸祝斯人理亦宜幾開老屋水之涯

滹沱河經子牙村襲尙曾未居遠想釣鉞

御製恭依

子牙河詩韻并序

謂此地距敵數千里安得有呂尚釣璫遇王事子牙之釣臺紀載家傳曾失實

子牙高沙

御製子牙河云北界地高南界下八分水帶一分沙

入運則黠入淀奈何格隄斯築詎猶缺斷

詔工俾續千里環周中涵春綠維 畿南至海

仁皇親閱是防是疏久安軌轍

憲皇勤咨利民深切我

皇丕承

兩朝庥烈臺頭 行館申

命樸敦小大羣吏備聆

聖言 御製臺頭行館云無過齊夜越而去何必斷廷綴以紛前此蘇橋 雜詠云費如許為不紆懷後此天津 行館云何必管絃繪民樂伊子所喜在還淳又

儲樂堂云無過傳信宿所見費懸問 清宴堂云卻以延開賞還嫌費潔除 聖訓佩物飛費不啻至再至三蓋惟以厚民之生而不自逸 聖心有至樂焉豈在供頻之適

齋維 協性港自揚芬燈船莫放萬頃風紋 御製滄波樓用金山遠帆樓韻云不許燈

晚放 吾民之淀多利少虞素鱗鱗甲夕雁晨鳬吾淀之民樂

且于喁單舟度柳疊舸依蒲迺

泣天津蠲租

詔頒百姓是足司農母慳

御製命免天津府屬積欠銀穀並及直隸通省積欠銀穀云民足孰與不司農其格惜

迺

禮海神轉桑東觀

雷都粟轉坦途潮還

御製觀海臺觀海云雷都來往糧艘運總為吾

民歸坦途

迺

覘瀛裔

御製瀛裔云瀛裔民風策馬覘

蘆田沙戶商分民兮南風其

煦

御製曉曉場云大異浙東更淮北亦寬背負及肩挑絡惟商與民俱便別悉情形在此遺

迺回

巡鑾筐兒港俯匪隄是堅維導宣猶愈

御製西沽云徒特隄防寧有是要當善導俾宣通

至哉

皇一心以綱以紀水安穀昌初不以輕喜

幾旬羣情東南

一視二旬之間

恩逾春被維海維河夙感

馨香今報淀功與河海方維

皇一心百神敬將百神既効四時既康維

皇一心元氣胚胎飫我春澤升我春臺聞淀民之歌曰

龍

舟重艤聞津民之歌曰

金輿復來

呂氏宅看紫藤花歸飲朱編修筇書屋限六字

給孤寺東花幾度違寓目昔來雨氣淹今值晴光煜雨晴亦
何知芳念自更僕爾日春過三我年甲周六仰天串串珠絡
架濃濃馥臥者蔓及堦立者高出屋野趣忘栽培妍姿極含
蓄風搖萼倒垂影動香如撲翰林能敘舊邀更共糟麴道南
關蓬廬硯北頓書簾笑茲小庭院充以閒草木牆根芍藥蘭
牕口芭蕉竹乃至友雙松居然雲一谷松雲有無閒弟子執
經讀若令添種藤也戒又從牧他時看繁英客鬢定加禿

法源寺看牡丹歸飲王秋曹昶齋

看過棠花乍歷旬微雲暖日又催人萬無九十屏風品一洗
三千世界春退院僧猶譚往事提壺鳥已喚比隣歡場得步
諸公後且闢明燈現在身

得雨後程舍人晉芳招過看芍藥限雨字

至尊禱雨天卽雨坊巷聲歡草樹舞豈惟二麥興稼田遍及
百蔬滋藥圃壓擔折枝齊趁曉貯瓶帶溼不沾土喜極何妨
遂賞花朋來亦復先排戶朝廷無逸憂民生衣食有原供
物取今辰此樂實荷恩焚尾當杯頻仰俯

查太守禮澹安居看芍藥分韻

西山城上洗芙蓉春在君家宿靄濃況是清尊紛語笑便非
白髮數入聲過從龍興寺定傳新木蘭栗梢休競冶容惱殺
閒情天不管綠槐陰裏自疎慵

送儲宗丞麟趾假歸宜興

敘族糾宗贊月卿丹顏鶴髮伴清名不緣拜墓還鄉去未許
看山訪舊行羣畫溪中花竹遠牧童詞外笠簑輕君恩說

與諸羣從可是難勝繾綣情

雨後乞戴侍御第元齋前菊苗既致十數本復送

長歌因即用韻奉酬

飲君家醪見庭菊我畦卻輸生趣獨歸聽夜半猛雨寒臥想
牆根新穎綠稀常宜補繁宜疏請君分我鴉觔鋤雖云貴義
勿貴惠樹鬱恐蠹水鬱汙屋烏屋烏丈人好抱甕不遐漢陰
老寂卽其根動卽苗所利者多所去少小畦甫畢誦有鄰叩
門忽傳郢曲春燈蛾撲自照百讀殘蟻浮更思千巡蒙君兼
爲賤子壽六十生朝逼重九爾時採葉釀雜秔來歲相邀熟
添酒

清漪園曉直

苑西清境豫遊便輪直羣僚奏事前萬壽山光霽春旭昆

明湖氣擁朝煙乳鴉聲裏宮門啓綠樹陰中口勅傳仰識
聖人無自暇一心常在衆心先

起居注館宿次

北郊牲已視內閣版應書職已先期恪心難不寐舒
君恩感清切儒術媿迂疎又待星光曉簪毫上玉除

靜明園曉直

萬壽山陰石路平朝涼十里肅趨行沿湖樹轉高山靜擁岫
雲開遠水明藕葉稻苗村綴景松軒螭舫
聖訓情今年降澍原霑足倍覺郊坰夏綠盈

奉送大宗伯嵇先生視河河東

充豫歲循軌淮揚功竝籌春卿煩暫出上相紹先猷訪古熟
淩雨登高觴李樓俞郎且書記陪汎菊花秋

閏七月廿七日程舍人晉芳齋社餽小集

汴京秋社送餽嘗援古今朝賺樂方聊比雞豚與香火卻先
重九後端陽假山亭子高槐影閏月花頭白露光津水蟹螯
堪酒錢不須鋪飯切瓜蔬

送家學士大昕省親歸嘉定二首

名試君始官螭右及我同今春病旋已悼室心爲恫所欣有
於菟啞啞繡襪中明當請假歸抱以見阿翁太母髮亦素阿
翁顏竝童家兄攜舍弟酒熟年又豐我願生燕羽巢君之船
蓬見君著萊衣堂啟婁江東

有松或竹柏有梅或李桃有庭或蘭蕙有徑仍蓬蒿願君有
此居聊以拓書巢所嗟光祿來祭妹應叨叨冬寒雪蕭蕭求
地出近郊青鳥亦何人信矣不可撓儻探林屋書儻觀曲江

瀟逢 國大慶辰願君早還朝

題畫哭邵侍讀嗣宗九首

并序

侍讀嘗屬爲畫冊去秋以病歸太倉闕然未及還而今秋計至檢冊心傷乃雜寫得蘭柳菊蓼丁香紫藤白蘋梅松楓各系詩疊欸莫釋仍寄其孤復於帷次

與君相見卽同心白石清泉爲鼓琴盡日無人芳可襲春山使我愛深林

行盡槐街是柳衙送君青雀舫還家朝陽門外攀條後千里金霜怨曉笳

休言不落比于蕉白露爲霜夜復朝安得飲君甘谷水味之無已到松喬

歸路輕帆夢水涯渺然京洛故人懷平生辛苦還辛苦未必

蠕蟲勝我儕

丁子開花鬪酒籌
蛾眉散直挂簾鉤
明年若問街西館
何忍臨風插滿頭

看了丁香看紫藤
愁人絲鬢各鬪髻
如何北斗闌干夜
共嚼金尊再不能

婁江東下白蘋香
蘋葉蘋花一水長
小艇待教尋子去
不勝煙月是微茫

畫出癯仙大好看
行來矯矯佩珊珊
萬山雪照一輪月
著箇梅花寒未寒

道人漫打午時鐘
香繞旛幢倚一筇
昨借同人爲位法源寺如意寮與之遲我瓶中
擔白酒爲君墓上種青松

祇領

世廟硃批諭旨一百十二冊恭紀二首

特勅金函賜

先皇寶字瞻心心貫終始語語鏡洪纖

家法敷天舊官箴向日嚴重惟推至教于以羣勞謙

上下交无咎天人際有常十三年紀握億萬世謨彰在野傳

如見趨朝拜是將

紹衣申百職總爲兆民康

送畢庶子沅觀察隴西四首

詔以官僚出年惟稽事成秦民休養後隴水往來清壯齒多

全力宏材少定程宜臚原第一慎重此聲名

中外何區別賢良有過差要須臣職盡報答

主恩加一錢香醪勸三更漏鼓拋儒生疎惠澤節鉞亦徒誇

贈我英州石蒼然
幾几雲自今宜對爾終日
卽如君華岳關
初入仇池路又分
嶺岼奇絕處迴憶近爐熏

請得踰旬假歸爲上塚
畱遲衝灞橋雪迴汎洞庭舟
鄉里看
翁子兒童望細侯
梅花青崦月且約復來遊

紀侍御哀其先友墨蹟裝卷屬題

蠻箋幾擘蠟燈紅
零落山邱宴未終
老矣休文自懷舊更無
謝朓與王融

石齋詩集卷第二十九